

Pɔli ka letere min ci

FILEMŌN

ma

Kitabu faamucogo

Yesu ta ciraden Pɔli ka nin letere ni Kɔlɔsikaw ta letere seɓe k'a to kaso ra Rɔmu. Onezimu ni Tisiki le tagara ni o letere fla ye.

A ka nin letere seɓe k'a ci Filemɔn le ma.

Filemɔn tun ye Kɔlɔsi dugu lanabaga dɔ ye, min tun ka lɔyɔrɔba ta Ala ta baara ra. Baaraden dɔ tun be Filemɔn fe, min tɔgɔ tun ye ko Onezimu. Onezimu tun ka Filemɔn borofen dɔ ta, ka bori ka taga fɔ Rɔmu, sabu a tun be se ka faga o ko kosɔn. Ka Onezimu to Rɔmu, Pɔli ka Kibarɔ Diman fɔ a ye, a sɔnna Ala ta kuma ma. O kosɔn Pɔli be nin letere seɓe k'a ci a matigice Filemɔn ma, k'a jini a fe ko a ye yafa Onezimu ma, ka sɔn k'a ta baara ra tuun, a kana a ta kewale juru sara a ra. A ka kan k'a mina i ko a balema, a kana ke tuun i ko jɔn. Pɔli be o kumaw le fɔ Filemɔn ye, k'a gbeleya koseɓe.

Nin letere ka surun, sabu sura kelen dɔrɔn lo, nka a nafa ka bon. A b'a yira an na ko Ala te mɔgɔ bɔ mɔgɔ ra. Ala be baaraden, walama jɔn kisi cogo min na, a be a matigice fana kisi o cogo kelen le ra. A b'a yira an na fana ko lanabagaw ka kan ka yafa jɔgɔn ma, ka jɔgɔn kanu, hali ni dɔ ka kojugu ke dɔ ra.

Kitabu kɔnɔkow

Pɔli be Filemɔn ni a jɛnɔgɔnw fo (1–3)

Pɔli be baraka la Ala ye Filemɔn kosɔn (4–7)

Pɔli be Filemɔn daari Onezimu kosɔn (8–22)

Pɔli ta kumalaban (23–25)

Pɔli ta fori

(Timote flanan 1.1–5; Yuhana sabanan 2,6)

1 ¹ Ne Pɔli, ne min kera kasoden ye Yesu Kirisita tɔgɔ kosɔn, ne ni an balemace Timote, anw be nin seɓe ci Filemɔn ma, an baarakejɔgɔn kanunin, ² ani an balemamuso Afiya, ani an jɛnɔgɔn Arisipi, min ye an demɛbaga ye an ta kere ra, ani lanabaga minw be lajen ele Filemɔn yere ta so kɔnɔ. ³ An Fa Ala ni an Matigi Yesu Kirisita ye neema aw ye, ka hera ke aw ye.

Filemɔn ta kanuya ni a ta lanaya

⁴ Ne balemace Filemɔn, tuma o tuma ni ne be Ala daari, ne be baraka la a ye ele ta ko ra. ⁵ Sabu i lanin be Matigi Yesu ra cogo min na, ani i ka Ala ta mɔgɔ saninmanw mina ni kanuya min ye, o kibaroya beɛ sera ne ma yan. ⁶ O kosɔn ne be Ala daarira i ye, janko i be jɛnɔgɔnya min na lanaya ra ni an ye, dɔ belen ye fara o kan; o fana ye ke sababu ye k'a to an ka fenɔman minw sɔrɔ Yesu Kirisita fe, i ye o lɔn ka ja. ⁷ Ne balemace Filemɔn, i ta kanuya ko kɔni ka ne jusu diya, ka ne jusu saaro koseɓe; sabu i ka Ala ta mɔgɔ saninmanw jusu saaro.

Pɔli be Filemɔn daari Onezimu ta ko ra

(Kɔlɔsikaw 4.7–9; Korentikaw fɔlɔ 13.4–7)

⁸ O kosɔn, ne balemace, ne tun be se ka i jagboya Kirisita* tɔgɔ kosɔn, ka i ta koketa yira i ra; ⁹ nka ne k'a ye ko a ka fisa ne ye i daari le kanuya kosɔn. Ne Pɔli, ne kera cekɔrɔba ye, nka ka fara o kan tuun, ne blara kaso ra Yesu Kirisita tɔgɔ kosɔn.

¹⁰ Ne be i daarira ne dence Onezimu^a ta ko le ra, ne kera min fa ye kasobon kɔnɔ yan. ¹¹ Ne k'a lɔn ko wagati temenin, a ma ko ja i ye, nka sisan ele o, ne o, a bena ko ja an fla beɛ ye.

¹² Ne be a kɔsegi i ma tuun, ale min kera i n'a fɔ ne yere farisogo dɔ. ¹³ Ne kɔni tun b'a fe a ye to ne kɔrɔ yan, janko ka ne to negejɔrɔkɔw ra kaso ra yan Kibarɔ Diman* kosɔn, a ye baara dɔw ke ne ye ele yere nɔ ra. ¹⁴ Nka ne tun t'a fe ka foyi si ke, ni min ma ben i ma, janko i bena kopuman min ke ne ye, o kana ke jagboya ye, nka a ye ke i yere sago ye.

¹⁵ I b'a sɔrɔ ko i ni Onezimu faranna jɔgɔn na wagati dɔɔnin le, janko a ye sekɔ i ma ka to ni i ye tuma beɛ. ¹⁶ A kana ke jɔn ye tuun, nka a ye fisaya ni jɔn ye, ka ke i ko i balema kanunin; a ko ka gbelen ne ma, nka a ko belen ka kan ka gbeleya ele ma ka teme ne ta kan; sabu aw fla beɛ bena ke jɔgɔn fe Matigi ta jɛnɔgɔnya ra.

¹⁷ Ayiwa, ni i kɔni be ne jate i teri ye, o tuma Onezimu mina ka ja i n'a fɔ i tun bena ne yere mina cogo min na. ¹⁸ Ni a kera ko a ka fen dɔ cen i fe, walama ni i ta juru le b'a ra, ne le bena o juru sara i ye. ¹⁹ Ne Pɔli

^a1.10 Onezimu tɔgɔ kɔrɔ ye ko: mɔgɔ jɔciman.

bɛ nin sɛbɛ ni ne yɛrɛ boro ye, ko ne bɛna o juru bɛɛ sara i ye. Ne yɛrɛ ta juru min bɛ ele ra, ne tɛna o fɔ, nka o kɔrɔ ye ko ele yɛrɛ kuturu bɛɛ ye ne ta le ye!

²⁰Ne balemace, ne bɛ i daari ko i ye nin kopuman kelen kɛ ne ye Matigi kosɔn; sabari ka ne jusu suma Kirisita* ta jɛnɔɔɔnya kosɔn.

²¹Ne lara a ra ko ne ka min daari i fɛ, ko i bɛna o kɛ, o le kosɔn ne ka nin sɛbɛ ci i ma, sabu ne k'a lon ko i bɛna min kɛ, o bɛna tɛmɛ ne ta fɔta yɛrɛ kan.

²²Ayiwa, ne b'a fɛ i ye bon dɔ labɛn ne ye, sabu ne jigi b'a kan ko o bɛna ne labla aw ye lon dɔ, aw ta daariri baraka ra.

Fori laban

²³Ne kasodenɔɔɔn Epafirasi, min bɛ kaso ra Yesu Kirisita tɔɔɔ kosɔn, ale bɛ i fo. ²⁴Ne baarakɛnɔɔɔn tɔw, Marika, ani Sitariki, ani Demasi, ani Luka, olugu fana bɛ i fo.

²⁵An Matigi Yesu Kirisita ye nɛɛma aw ye.